



UNIVERSITÄTS-
BIBLIOTHEK
PADERBORN

Universitätsbibliothek Paderborn

Dormi Secvre: Vel Cynosvra Professorvm Ac Stvdiosorvm Eloquentiæ,

in qua Centvm Et Viginti Themata Oratoria. Non Solvm Stvdiosis, Sed &
Professoribus eloquentiæ, ac pietatis veræ amantibus utilissima &
pernecessaria explicantur ; Cum Indice rerum atq[ue] verborum locupleti

Tympe, Matthäus

Coloniæ Agrippinæ, 1650

LXV. De gloria & præmiis vitæ æternæ.

urn:nbn:de:hbz:466:1-38994

quam vitæ partem consecrare, & peccata admissa per veram ac seriam pœnitentiam emendare.

PERORATIO *constabit adhortatione*, ut consideratione horum suppliciorum ad meliorem mentem se recipiant.

LXV. DE GLORIA SEV PRAEMIIS Vita aterna.

EXORDIUM *sumes à laude communis Sententia*: Duo æquipondia, quibus horologium humanæ vitæ movetur, esse, præmium & pœnam. Tanta enim est nostræ voluntatis miseria, ut nemo virtutem nudam appetat, cui non est adjuncta pœna, vel quæ utilitate quadam non compensatur.

Vide Dncē
peccat.
P. Ludov.
Granat.

PROPOSITIO, Cum nec supplicium, nec præmium possit excogitari æterna illa gloria, perpetuaq; pœna majus, sicut is qui ante me dixit, vos acerbitate & magnitudine suppliciorum Inferni à vitiis avocavit. ita mihi certum ac deliberatum est, vos magnitudine & voluptate gaudiorum Regni cœlestis ad virtutes invitare, ut ita his duobus remis periculum procellosi hujus maris enavigemus.

PARTITIO. PRIMÒ, *conjecturis* quibusdam vos in aliqualem cognitionem pulchritudinis ac divitiarum cœli deducam. SECUNDÒ, Dignitatem, & magnitudinem Regis, qui illic cum omnibus Electis habitat adumbrabo.

CONFIRMATIO I. *partis*. PRIMA *conjectura est finis*, ob quem Deus locum istum ædificavit, ut per illum manifestaret suam gloriã. In cœlo enim singulari quodammodo dignitas, amplitudo, & magnificentia illius relucet. Ut Rex Assuerus, qui regnabat super centum vnginti septem Prouincias grande fecit conviuiũ, ut ostenderet divitias gloriæ Regni sui, & magnitudinẽ potentie suæ: sic supremus ille Rex decrevit celeberrimum facere

Prov. 10
Estb. 1.

convivium in cælo per omnem æternitatem, ut ostendat in illo immensitatem divitiarum suarum, sapientiæ, liberalitatis & bonitatis suæ.

*Es. 25.
Et facite,
&c.*

SECUNDA Conjectura est, quia non præparavit domum hanc suo duntaxat honori, sed ad gloriam etiam & honorem omnium suorum Electorum. *Hic proba*, quam sit Deus sollicitus ad honorandum amicos suos quibus contulit etiam in hac valle lachrymarum dominium in omnes creaturas. Josue 10. dicitur Deus obedivisse voci hominis: umbræ Petri tantam virtutem donavit, ut quoscumque infirmos obumbraret, eos incolumitati pristinæ restitueret.

*Dan. 12.
Vide Trium-
phum, seu
Præmia Vir-
ginitatis.*

TERTIA, quia pretium quod liberalissimus Deus exigit pro tanta gloria, est mors & sanguis Unigeniti Filii sui (Non nisi, pro morte Dei, data est homini divina vita, pro Dei doloribus, cæleste gaudium:) & quia ab homine pro hac gloria exigit, ut tollat crucem suam, oculum dextrum eruat & abjiciat, si quod ipsi det scandalum, & relinquat patrem matrem, & omnes res creatas, si quid divinis contrarium mandatis velint persuadere.

QUARTA, quia si in hac regione mortuorum creaturæ sunt tam nobiles, quales erunt in terra viventium? & si magnifica sunt, quæ in hac vita dedit ingratis, quanta erit gloria, quam in futura vita dabit Electis?

*Apoc. 4.
Psal. 83.*

QUINTA, quia est habitatio non seruorum, sed filiorum; non pecudum, sed beatarum mentium. Est aula magni illius Regis Regum. *Hic licebit attingere multitudinem civium cælestis patriæ, ex c. 7. Dan. & c. 15. Apoc.*

Ab hac accidentali gloria transibis ad essentialem, sine ulla comparatione majorem, quæ consistit in visione & possessione ipsius Dei, de qua S. Augustin. Præmium, ait, virtutis ipse erit, qui virtutem dedit, qui videbitur sine fine, amabitur sine fastidio, & lau.

laudabitur sine molestia. Hic licet sit unum & simplicissimum bonum, tamen omnes omnium rerum idque summa eminentia, concludit perfectiones. In hoc speculo videbitur lepor & venustas omnium creaturarum, &c. Si inquam, nobis grata est pulchritudo, Deus est, cujus pulchritudinem sol & luna admirantur. Si appetis nobilitatem, ipse est fons & origo totius nobilitatis. Si cupis facietatem & abundantiam, in ipso summa est bonorum omnium &c.

In CONCLUSIONE hortaberis Auditores, ut relicta Ægypto aspirent ad terram promissionis, ad quam creati sunt: cogitent quid Sancti fecerint, ut illam gloriam consequerentur, & cum S. Augustino dicant: Si quotidie oporteret nos tormenta perferre, si istam gehennam longo tempore tolerare, ut Christum in gloria sua videre possimus, & Sanctis eius sociari, nonne dignum esset pari omne quod triste est, ut tanti boni tantæq; gloria participes habeamur?

*In Manuali
cap 17.*

LXVI. COMMENDATIO PRUDENTISSIMI & FORTISSIMI FACINORIS, quo Daniel Susannam adulterii absolvit, & senes accusatores ejusdem convicit, per sextorum attributa. *Dan. 13.*

EXORDIUM *duces à tua & Auditorum persona.*
 Quod adolescens ipse inter adolescentes de Danielis prudentissimo & fortissimo facto, quo Susannam innocentem defendit & à turpissimo mortis genere liberavit, dicere decreveris, ut ejusmodi exemplo omnes ingenui adolescentes ab incunte ætate justitiam, prudentiam, fortitudinem, & temperantiam discant exercere. Omnes enim virtutes in unico hoc facinore appatent; Iustitia, & Prudentia, cum justissimi, & prudentissimi iudicis officio functus est; Fortitudo, cum forti ani-
 mo